

مشتاقنامه

محل مطبعه و اداره :

جغال اوغلانده امنيت
صندوغی جوارنده
شنکول يقوشنده
۲۷ نومرو

افطار :

مسلكمزه موافق آثار
جدید مع الممنونیه
قبول اولنور

درج ایدلمه یین آثار اعاده اولنماز

دینه ، فلسفه ، علوم ، حقوق ، ادبیات تاریخ ، سیاست و بحال و شئون اسلامیه بحث ایدر و هفته ده بر نشر اولنور .

آبونه بدلی

صاحب و مؤسسلری :

درسعادتده نسخه سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قیرلمه دن مقوا بورو ایله کوندریلیرسه سنوی
۲۰ غروش فضله آتیر

۱۰ تموز ۳۲۴

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

بشنجی جلد

۲۲ ذی القعدة پنجشنبه ۱۱ تشرین ثانی ۳۲۶

عدد : ۱۱۶

«بویله بر کتابی دها بر چوقلری بندن دها آی و اساسلی بر صورتده یازده بیلیرلردی.. لکن هیهات که اونلره سعدینک بو بیٹی تطبیق اولنه بیلیر: آن را که خبر شد، خبرش باز نیامد:

یا خود بومشهور مصراعہ ماصدق درلر:

ستاند زبان از رقیبان راز- که تاراز سلطان نکویند باز.

صوکره بو کتابی یازارکن النده کی وسائطی ذکر ایدیور:

«خصوصی دوستلرمدن، اوراق حوادثدن، ماوی و بیاض کتابلردن دها بر چوق یرلردن آلم .. دیور .. عجم لسانی حقنده - اجنبی قارئلره قولایلق اولمق ایچین - بر فکر ویریور .. عنوان ترکیباتی ایضاح ایدیور! . کتابک حین تألیفنده یاردیمی دو قونان ذواته - بالخاصه عجم دوستلرینه - تشکر ایدیور .. و نهایت مقدمه نک صوکنده:

« بن بو کتابی وطنداشلرم نزدنده زواللی ایرانلیلر لهنه بر جریان، اونلرک قایلرنده بوزواللی ملته بر توجه او یاندیرمق فکريله یازیورم . اسلامه خدمت ایتک اک بویوک املمدر . بوامل بی اوقدر حرارتله - ندیریور که قارئلر مه ده هیجان بخش ایده جکندن امینم ... آرزومده موفق اولورسم بئم ایچون نه بویوک بختیارلق ... » دیور ..

آرتق بوندن صکره اصل کتابه کیریشیور! .. ایلک بابلری اک بویوک مجاهدین اسلامدن سید جمال الدین افغانی حضرتلرینک ترجمه احوالنه حصر ایدیور ..

سز ایسه بو قدر تهاجم حسیات آراسنده کنیدیکی بر آز یورولمش کورو یور و محتویاتی ده ایکنجی بر دفعه ده اوقومق ایچون براقه رق شمدی یالکیز رسملری کورمک ایسته یورسکیز ..

یپراقلری برر برر آچارکن، شانلی شهدانک روح نجیبارینه بر فاتحه اهدا ایدرک هپسنی درونی بر صیحه مسرتله قلباً آلقشلا یور . بو قانلی صحنه نک قانلی اشخاصنی بر صیحه نفرتله قارشیلایه رق اعماق روح کزدن قوپوب کلن بر غیظ اس- تکراره ایله، چهره منحو سلبی کورمه مک ایچون اوزرینی قاپا یورسکیز ..

اخطار: یو هفته قارئلر مزه بو نفیس آثاردن بو قدر معلومات ویره بیلدک .. بو کتابی ناصل نه ایچون یازدیغنی آکلاتدق ... کله جک هفته نه فکرده بولندیغنی، انقلابی نه صورتله تاقی ایتدیکنی و بونلرک اسبابی مفصلاً آکلاته جغمزی وعد ایدرز ..

راغب

مواعظ دینه دن:

اتحاد با شائیر، بوکس لیر

تصرفه یافار، اولدور

بسم الله الرحمن الرحيم ﴿ واعتصموا بحبل الله جميعاً ولا تفرقوا ﴾ [اطيعوا الله ورسوله ولا تنازعوا فتشعلوا وتذهب ریحکم] ، [و اتقوا فتنة لا تصيبن الذين ظلموا منكم خاصة واعلموا ان الله شديد العقاب ﴾

ای مؤمنلر! هیکز اللهک حبل متینه، دین جلیل اسلامه ال برلکیله صاریلکیز، اللهک ورسولنک امرلرینه اطاعت، نهیلرندن اجتناب ایدیکنز، هیچ بر زمان آیریلما یکنز، قایلرکنز، روحلرکنز دائماً صیم صیقی بر برکنزه باغلی اولسون!

الله ورسولنه اطاعتله آرا کزده هر درلو نزاعی، چکیشمه یی ترک ایدیکنز. سز بوتون مؤمنلر قارداش سکنز، قارداش کی کچنملیسکنز. اکر نزاع ایدر، قاوغایه طوتوشورسه کز طاغیلر سکنز، صوکره روز کارکنز اسمز اولور. بر یوزند بره حکمکنز قالماز، دشمنلرکنزک ظلم وقهری آلتنده محو اولور کیدرسکنز ... بونک ایچون ارا کزدن قنیه یی، فنالغی قالدیرمغه چالیشکنز. بلادن، عذابدن چوق قورقوکنز. زیرا بلا کلنجه یالکیز قناله، ظالملره ایریش- مکه قالماز، ایلره ده ضرری طوقنور، بر قاکیزک او غورینه بتون امت محو اولور.

ای بیلکیز که اللهک عذابی شدتلی در، کلنجه، جمله کزی پریشان ایدر.

مسلمانلق دها ایلک قورولدیغنی زمانلرده الله، بزه طوغری یوللری کوستردی: راحت یشامق، کیمسه نک ظلمی آلتنده ازیلمه مک، بلادن قور تولمق ایسترسه کز بویله یاپیکیز، دیدی، اما سوز دیکله مزده، کندی نفسکیزه او یارسه کز او وقت عاقبتکنز فنا اولور. نه راحت یشایه بیلیرسکنز، نه ده بشقه لرینک ظلمندن قوتوله بیلیرسکنز، کیجه کوندوز اللهک عذابی اوزر کزدن اکسیک اولماز، دنیا کز زندان ایچنده کچدیکی کی آخرتکنزده خیرلی اولماز ...

ایشته بویله ایکی طرفی ده کوستره رک اختیاریمزی الیزه ویردی، بزی بو امتحان دنیاسنه صالیدی. الله طرفندن اولان بو نصیحتلری بزه سوبیلمک، اکلاتمق ایچون واسطه اولان ذات، حضرت محمد صلی الله علیه وسلم افندمز هپ بونلری بزه آکلایه جغمزه کوره آکلاتدی، کرک سوزیله، کرک ایشیله نصل یامق لازم کله جکنی بزه کوستردی وظیفه سنی تمام ایدنجه:

« ایشته، دیدی، بن ارتق وظیفه می بتردم، سوبیلنه جک سوزلری سوبیلدم، یاپیله جق شیلری یاپدم، اسلام بناسنک تملی سزه قوردیم، بن ارتق کیدیورم، بونناک محافظه سنی سزه راقیورم، ایشته بوندن صوکره بودین جلیلک حامیلری، حافظلری سزسکنز. سزا کر ال اله ویره رک، بو کوستردیکم یولی تعقیب ایدرسه کز بتون جهانده عزیز اولورسکنز، اسلامک ده شان و شوکتی دنی-الری قاپلار، بو صورتله انسانلرک هدایتی قولایلا شیر، بر یوزنده فساد قالماز، انسانلر مطلوب اولان غایه کماله ایریشیرلر، بنده امتکم انسانلرک ایلکی ایچون بویله ال برلکیله چالشدیغنی کوره رک ممنون اولورم، سز هیکز قارداش سکنز. هیکز برو جود سکنز، والی الابد بویله قالملیسکنز؛ اکر معاذ الله- بونی اونوتور، هوا کیزه او یار، تفرقه یه دوشرسه کز بیلکیز که باشقه ملتیر سزی اسارته آلیر، اونلرک حکمی، اونلرک ظلمی آلتنده ازیلیر، محو اولورسکنز. سزک بو پریشانلغکزدن دین اسلامده

ضرر کورور. او وقت اللہک عذابى اوزرکزه چوکر، ارتق سزک ایچون نه دنیاده فلاح امیدى قالیر، نه آخرتده. او یله خسران ایچنده محو اولور کیدرسکیز. بزم روحده سزک بو حالکزه اغلامقدن قورتولماز. بونک ایچون سزه توصیه ایده حکم انک برنجی شی، بتون اتم ال اله ویره رک قبلیرینی صبح صیق یکدیگیرینه باغلامقدن. بونک اوزرینه مسلمانلر نه یاپدیلر؟ یاپدیلرینی تاریخ کوستریور: هپسی لواء محمدی آلتیه طویلاندیلر، آلهک ورسولنک سوزندن اصلا خارجه حقیقما یهرق مسلماننک شان و شرفی یوکسلتدیلر، دنیالری فتح ایتدیلر، کفر وضالته قراکلقدن قالان مملکتلری ایمان نوریه آیدینلاندیلر. میلیونلرجه انسانلری اسارتدن، ظلمدن قورتاردیلر، او یله بر اسلام حکومتی قوردیلرکه عدالتی آلان دیلرده دوزر. اوزمان اسلام مملکتلرینک اوزونلغی دنیانک براوجندن دیکراوجنه، تامغرب اقصادن چین، طونکیینه قدر کیدردی، کنیشلکی ایسه قازان دن باشلا یهرق خط استوا آتده کی سرنیدییه قدر طوتاردی. باقکیز دنیانک نه قدر یرینی مسلمانلر حمایه سی آلتیه آلمشیر!

بو کنیش حدود ایچنده کی قطعلر، مملکتلر بتون مسلمانلرله طولمشیدی. مسلمانلرک بورالرده ییقلماز برسلطنتلری، برشوکتلری واردی. حکومتک باشنه بویوک بویوک پادشاهلر کچرک هان بتون یریوزینی ایستکلری کی اداره ایدرلردی. عسکرلری هیچ برزمان هزیمت یوزی کورمز، سنجاقلری هیچ بریرده طوپراغه سر یلمز، سوزلری هیچ برکیمسه طرفندن کری چورلمزدی. متین قلعلری برصیره یه دیزلمش طاغیرکی اوموز اوموزه ویرمش کیدر. اووهلر، تپهلر مسلمانلرک الیه یتیشن هر درلو اکیلرله، آغاجلرله، اورمانلرله، اوتلرله اورتولمش بولنوردی. انک صاغلام قاعدلر اوزرینه قورولمش، صوک درجه معمور، صوک درجه منتظم اولان شهرلری اهالیسنک صنعتلریله، هنرلریله، یتیشدیردیکی علماسیله، حکماسیله بتون دنیایه قارشى اقتخار ایدردی. مسلمانلرک آق دکزده، شاب دکزنده، بحر محیط هندیده او یله برسطوتی، برقوتی واردی که قارشوسنه کیمسه چیقمازدی. بشقه دینده اولانلر مسلمانلر بویونلرینی اگر، مسلمانلرک فضیلتلری، عدالتلری قارشوسنده ال باغلار، حرمت ایدرلردی.

مسلمانلر بومرتبه به نصل ایریشدیلر؛ هب اتحاد سایه سنده. اللرنده الله قانونی، دیلرلر نه توحید لفظ مبارکی، یورکلرنده دین عشقی، ملت محبتی اولدینی حالده طاغلری، دکزلری، چوللری آشدیلر. شرقک انک هجرا برکوشه سنده برمسلمانک قلبی اینجیرسه، بتون دنیاده کی مسلمانلرک وجودی صیزلاردی. دنیانک بر طرفنده بر مسلمان حقارت کورسیدی، بتون جهان اسلام کوکره مش بر آرسالن کی اورتیه چیقار، قرداشلرینی مدافعه ایدردی. مسلمانلر بی نه یاه اقوامدن مرکب اولدقلری حالده ازلدن برامت، برعائله، بروجود ایمش کی آرالرنده هیچ بر آریلق غیر یلق کورمز لردی.

بوراده کی مسلمانک طویغوسی نه ایسه دنیانک او بر اوجنده کی مسلمانک طواویغوسی ده ایدی. میلیونلرجه مسلمان هب بر درلو

دوشونور، هب بر نقطه یه باغلی بولنوردی. بتون یورکلرده کی قتالقلر، حسدلر، طمعلر، غرضلر محو اولمش، هرکس اسلامک ایلروله مسنی، ملتک یوکسلمسنى دوشونوردی. هرکس الندن کلن اییلکی اسیرکه مز، مالیه، جانیله، قانیله مسلمانلغه چالیشیردی. صره سی کلنجه بتون مالتی ملت اوغورنده فدا ایدر، کندى لواء محمدی آلتیه کیرر، میدان جهاده قوشاردی. هیچ برمسلمان دیکرینک خاطری قیرماز، عرضنه یان باقماز، مالتیه کوز آتماز ایدی. هر بری کندندن بیوکنه اطاعت، کوچوکنه شفقت کوستردی. آمری کندندن یاشجه، علمجه کوچوک اولسه ده آمر اولدینی ایچون، خلیفه طرفندن کوندرلیدیکی ایچون امرینه درت ال ایله صاریلیردی. قرآنک بتون احکامنه، پیغمبرک بتون وصایاسنه رعایت اولنوردی، امتک ایشلری مشورتله کوریلور، هر جمعه امتک حالی وکله جکی حقه قنده خطبه لر اوقونور، یاپیله جق ایشلر قرارلشدیلر، هرکس حصه سنه دوشن وظیفه نک ایفاسنه بتون وارنغیله جان آتاردی.

ایشته بوسایه ده اسلام سنجاغی دنیانک هر طرفنده دیکدیلر. صدای توحیدایله بتون آسمانی چینلاندیلر. فقط صوکرلری مسلمانلر هر نه دنسه قرآنک احکامنی طوتمقده کوشکلک کوسترمکه باشلادیلر. آرالرنده کی رابطه یه ضعف عارض اولدی، یورکلرنده حمیه بدل حسد، طمع بر طوتمنه باشلادی، اتحاد تفرقه یه یوز طوتدی. مسلمانلر آره سنده دیندن باشقه جنسیت یوق ایکن هر قوم جنسیت ادعاسنه قالدقشدی. باشلرنده کی حاکمک هر بری اداره سی آلتنده کی مسلمانلری دیکرلرینه دشمن کوسترمکه، مسلمانلر اراسنه نفاق صاحبه قویولدیلر. بونک اوزرینه مسلمانلر بر بریله چارپشمغه باشلادی. بونلرک یوزندن ملت نه قدر ضررلرله اوغرادى. بر طرفندن افراد، دیکر طرفندن امرا ملتى پریشان ایتدیلر. طوغری یوللری براقه رق اسرافلره، ذوق وصفالره طالیدیلر.

بو اوغراشمه لردن علوم و فنونک ایلروله سی طوردی. کیت کیده صنعت، تجارت، زراعت کر یله دی. جهالت اورتیله قاپلامغه باشلادی، فقر و ذلت یوز کوستردی. بز بویله بربرمزه اوغراشیرکن آوروپا ایلر لیوردی؛ بزدن آلدقلری علملری، فنلری ایلری کتوریورلردی. او ذوق ایله، او اسراف ایله ملتیزک زنکیسلکی کیدنجه، اوزرمزه ذلت و مسکنت چوکنجه اجنبیلر تسلطه باشلادی. هب آل برلکی ایله قارشى طور مق لازم کلیرکن کندى آلزله اجنبیلری مسلمان مملکتلرینه صوقدق.

صوکره عاقبت نه اولدی؟ عاقبت مسلمان مملکتلری اجنبیلر آلتیه کچدی. قوجه بر اسلام عالمی پارچه لندی. او شان و شوکتلر سوندی. اندلس مسلمانلری محو و پریشان اولدی. هندستان مسلمانلری اسارت آلتیه کیدردی. تونس کیتدی، جزایر کیتدی، فاس کیتدی، ترکستان، بخارا، قریم، قازان... ایشته نه حاله کلدیلر، ده صوکره مصر نلر چکیور. رومانیا ده، بوسنه ده، بلغاریاده، کریدده کی مسلمانلر نه اولدی! قاچ میلیون ایدی، شمدی قاچ کیشی قالدی! بونلر نه

اولدی؟ هب تفرقه یوزندن محو اولدیلر! سورودن آیرلدقلری ایچون قوردلرک آغزینه دوشدیلر. کیت کیده او بیوک عالم دارلاشدی. شمدی مسلمانلرک بو کونکی حالنه ارباب حیت قان آغلايور. بزى بو حاله دوشورن هب تفرقه، هب نفاق وشقاق در. آرتق بوقدر ذلت، بو قدر مسکنت الویرر، بوندن صوکراملت ادیانلی، اوقوملی، بوفلا کتیرک هب تفرقه یوزندن کلدیکنی آکلاملی ده اوکا کوره چاره سنه باقلى. زمان ارتق تفرقه زمانی دکدر. اتفاق زمانیدر، برلشمک زمانی در. شمدی آللهک لطفی بزه توجه ایتدی. هر زمان بو فرصت اله کچیز. بو فرصتی قاچیرماملی، بوندن استفاده ایتلی. کچن کچدی. اولان اولدی. شمدی ماتم طوته جق، اسف ایده جک، کدرلنه جک زمان دکدر. ماتم اولوی دیر یلتمز، اسف کچمشى کیری کتیرمز، کدر مصیبتی دفع ایتز. سلامتک اناختاری وارسه یوق ایش در. خلاصه یوکسلمک ایچون طوغریلقدن، حسن نیتدن باشقه مر دیوهن یوقدر. قور قاملی، قور قو هلاکی تعجیلدن باشقه بر ایشه یاراماز. یاسه دوشمه ملی، یاس هلاکدن باشقه بر نتیجه ویرمز. قرآن کریمک حکمی باقیدر، ابدی بر حیاته مظاهر در. الویررکه بز اوکا اتباعه نیت ایدم. ارتق مسلمانلرک کچیر دکلی بوفلا کتیردن عبرت آلهرق اویانلی، بتون تفرقه لردن واز کچملى. بتون مؤمنلری قارداش، بتون بو طور اقلرده یاشایانلری وطنداش بیلهرک ال برلکله یوکسلمک چالیشملى، بیلشملی، طانیشملى. اسکی کوتوکلره یکی، ای و مشروع فلیزلر آشیلاملی. امیدایدرز که بوسوزلرک یورکدن سویلندیکنه بتون مسلمانلر اینانه رق آرهلرنده کی تفرقه لری، قلبلرنده کی حرص وطمعلری ترک ایدهرک هپسی جبل جلیل الهی یه یاپیشیرلر، صوکر درجه بر اتفاق ایلر، صیم صیقی بر اتحاد ایلر بر برینه باغلانه رق هب برلکده ترقی یه چالیشیرلر، آللهک ورسولتک اوامری یینه کتیر مک غیرت ایدرلر. والله یمدی من یشاء الی صراط مستقیم.

مطبوعات

روسیه ده مساوات حقوق وارمیدر؟

بونک بز عثمانی مسلمانلرجه ده اهمیت وار، زیرا، مساوات حقوق اولورسه، ۳۰ میلیون مسلمان - تورک قارداشلریمز، روسیه اداره حکومتیه قاریشه رق، سیاست داخلی و خارجیه سنه اجرای تأثیر ایده بیلورلر...

۱۹۰۵ سنه میلادیه سی تشرین اولنده، اختلال و تعطیل اشغال یاپیلوب، ایمپراطوره، عموم روسیه اهالیسنک حقوق و حریتی تصدیق و تسلیم ایتدیرمش ایدی. لکن برقاج آی صکره، اکثریتک جهل و اطاعتیه مستند حکومت چاریه، چارچابوق کندینی طوبلایه رق، اولجه ویردکلرینی کیری آلمیه قویولدی، اهالی یه ویرلمش حقوق و حریتلرک اوتهنسی بریسنی کسوپ قیرپارق، انقلابدن اولکی حالنه دوندی. الک چوق حقوقی نزع اولنان اهالی مسلمانلردی؛ اولرک مبعوث انتخاب حق، آسیای وسطی ده بوسبوتون قالدیرلر، قافقاسیاده،

قزان حوالیسنده اکسیتلیدی. حاصلی مساوات حقوق، حریت سیاسیه، صرف بوش لافدن عبارت قالدی. بونکله برابر، یاقین زمانلره قدر تفرعات امورده، اوتوز میلیونلق مسلمان کتله سنک، لزومسن تضییقات و تحقیرات ایلر اغضابنه چالیشلمیوردی. شمدی اوکاده باشلانیدی. رفیقمر «وقت» ک آتیده کی مقاله سی، روسیه حکومتک بویولده نرله قدر ایلر ولدیکنی آچیق کوستریور:

«روسیه مسلمانلری حکومتیه اوقدر صداقتلی، وطنه اوقدر محبتلی درلرکه بونی دشمنلری، بیلر انکار ایده نزلر. بوعصرلرک وقایعیه مثبت برحقیتدر. مسلمانلر روسلرک هر قسمی، هر صنفی ایلر دوست کچنمشلردر؛ حتی کندیلرینه قارشی یک فنا معامله لرده بولنلمش، حسیات دینه لرینی جریحه دار ایتش میسونرلره بیلر مقابله بالئل یا عامشلردر. مسلمانلر هیچ بر حرکتلرنده قانون موضوع خارجه چقماملشدر.

«حکومتک قوّه مدیه سنه قارشی، مغایر قانون حرکتلریله بو یولده موفقیتلر قزانمیه ققلى معلوم ایه ده، برملتک صایبسی برقاج اون ملیونلره بالغ قوجه برملتک اغتشاشی قوی برحکومتک باشنه بیلر خلی مهم برغائله آچش اولور. اغتشاش اولورسه، اوندن استفاده یه قالدیشانلر، یول کوسترنلره اغتشاشی ادامه یه اوغراشانلر البته بولونور.

«مسلمانلرک صبر و سکونتی اثبات ایچون، صوکر سنه لرک وقایعینی کوز اوکنه کتیرمک کافیدر: بوتون تورکستان و قرغزستان مسلمانلری دو مایه مبعوث انتخابی حقندن محروم ایدیلر. مسلمانلر بوکا صبر و سکونته مقابله ایتدیلر. مسلمان اراضیسی روس مهاجرلریله طولیدرلر، یرلی اهالیکنک تأمین معیشتنه هیچ قولاق آصیامادی. بوکا قارشی ده مسلمانلر صبرایتدیلر. «بش اون بیکلرجه محله مکتبلریمز معلم تیشدیرمک ایچون بر دارالمعلمین و دارالمعلمین یوق. بو دارالمعلمین و دارالمعلمانی کندی پاره نزلر آچمق ایسته یوزده ینه مساعده اولتیور. بوکاده صبر ایدیورز... بلدییه مجلسلریته اعضا انتخاب حقمن تنقیص اولنش. بوخصوصه استنادکاهمز صبر!...

«کلیسامکتبلریته، میسونر جمعیتلریته، خزینه دولتن یک چوق اعانه لرویریلور، خزینه دولت ایسه روسیه ده ساکن بالجله اهالیکنک پاره سی دیعکدر. مسلمانلر روسیه ده، روسلردن صوکره اک زباده نفوسلی برخلق اولدیغندن اولرک ده، بویله اعانه لردن حصه دار اولمیه حقلى شبهه سزدر. بونکله برابر اولرله بش پاره ویریلور، اولرک پاره سی اولرک علیه چالیشان مکتب و جمعیتلره ویریلور. ینه مسلمانلر برشی دیعه یورلر، صبر ایدیورلر!...

«بویله اساسلی مسأله لردن صرف نظر ایدم ده، اوفاق شیلره بر کوز کزدیرم: اولنرده بیلر بزم قلبمزی پاراله یه جق، حسیاتمزی اینجیده جک حرکاتدن چکینلمیور. مثلاً پترسبورغده بر جامع یاپه جق اولدق، روس مأمورلری و علی الحصر روس روحانیلری بیک درلو موانع احداثه چالشدیلر. اوفاده مسلمانلرک کثرتله بولندقلری بر شهرکه اداره روحانیلری ده اوراده در، یاپیله جق بر «اهالی اوی» نک عرب طرز معماریسنده انشاسنه ممانعت ایتدیلر!

حاصلی هرخصوصه بزه دخی و ملی جهتلردن قارشی طوریلور. مسلمانلرک بالضروره کندی حقوق ملیه و دینه لرینی مدافنه ایلر اوغراشه رق ترفیات عمومیّه بشریه یه خدمندن کری قالیورلر...»

انکلیزلرک وعدی

(الواء) رفیق محترمزدن:

انکلیزلرک، مملکتلریته کیردکلرندن برقاج آی صکره مصرلیر ایجه آکلادیلر که انکلیزیه سیاسیونی نظرنده وعدک هیچ قیمتی یوقدر. انکلیزلر مملکتیمزه مستولی اولدقلری زمان مقصدمن مصری استملاک دکدر. آنجق حکومت مصریه نک استقلالنی محافظه در. بو مقصد حاصل اولنجه چکیلوب کیده جکزم دیمشلمردی. حال بوکه اوتوزنجی